

三賢政書

臺灣學書局印行

三賢政書

(一)

臺灣學生書局印行

三賢政書



臺灣學生書局印行

三賢政書



臺灣學書局印行

三賢政書

臺灣學生書局印行

中國史學叢書

續編

清・光緒五年刊本

三賢政書全五冊

編輯者：清・吳元炳

出版者：臺灣學生書局

本書局登記：行政院新聞局局版臺業字第一一〇〇號

發行人：馮愛羣

發行所：臺灣學生書局

臺北市羅斯福路三段二九八號

郵政劃撥：虎二四六六號

電話：三二一三 四六七

定價新臺幣

\$254.0

中華民國六十五年三月景印初版

2097

究必印翻・有所權版

106/13

三賢政書序

聖祖仁皇帝天縱文武上廩續述以開萬世無疆之祚於時魁
艾耆碩之士忠貞弼亮之臣頂背相望若虎嘯而風冽龍興而
雲起而於吾豫得三賢焉曰湯公文正宋先生牧仲張公清恪
文正始受業於容城孫徵君講求實學體用兼備在官時所發
公移皆手定迄今讀之懇懇如與家人語牧仲以承平公子知
遇優渥獨刻苦勵行以致君澤民爲念舉世以清節見推吁其
難矣最後而清恪公繼之少時卽昌明正學以力崇程朱爲己
任及歟歷中外凡所設施皆本於實踐而尤以操守爲先故當
艱焰薰灼之來直聲浩氣震天下是三賢者所遇微有不同而

其趨一也獨念前後四十餘年三賢皆撫江蘇百餘年來不佞
又以豫人叨竊斯位映末光而接餘響山高水長之思烏能已
已昔秀水朱竹垞序牧仲巡撫江蘇時文集云江南大夫士頌
公之守與前睢州湯公相繼而公之生鄉黨又同當時卽以文
正相勛而牧仲旣無忝於職矣後二十年而清恪公來撫是邦
則鄉之典型已有湯宋二公爲之前而清恪又有聲於時故三
賢者不特當時被其澤至今猶樂道於婦孺之口以余德薄能
鮮尤懼夫莫步其後者負吾民以負 朝廷也可弗儆歟郡固
有三賢祠燬於兵火余撫吳之二年幸賴年豐民和乃卽其舊
址重修之以誌嚮往因印行三賢遺集更集其奏議公牘彙爲

一編名曰三賢政書非私以爲鄉里之榮亦將以範鎔金以型合土後之君子誠欲爲德爲民垂世立教亦不外於是編矣雖然政者迹也而所以出政者心也三賢出政之心若何曰誠也循跬步之迹而無追風逐電之能吾知其中蹶也然則誠之爲貴余之景仰夫三賢者更有溢於楮墨之外者矣光緒五年己卯二月固始後學吳元炳謹序於金閭節署

湯子遺書總目

卷首 行略 誌銘 逸事 雜記 年譜

卷一 奏疏 續編附

卷二 陝西潼關道按察司副使任內公牘

卷三 江西嶺北道布政司參政任內公牘

卷四 江蘇巡撫任內公牘

[illegible]

湯子遺書卷首

行略

子溥濬沆準述

先考諱斌字孔伯號荆峴一號潛庵先世爲滁州之來安人始祖諱寬從明太祖起兵積功至廣東神電衛世襲百戶子諱銘調中都金川門百戶再傳諱庠以功陞睢陽衛前所世襲千戶遂家焉三傳諱英襲衛職四傳諱卿以平巨寇王堂功陞世襲本衛指揮僉事累功至驃騎將軍中都正留守五傳諱易以功至明威將軍陝西岷州衛守備是爲府君之高祖子三次諱希范以貢生任山西趙城縣縣丞是爲府君之曾祖子諱敏爲州庠生卽府君祖也孝友寬仁於兄弟族人篤愛無閒言與人終

身無忤色又嘗以千金赴楚爲趙城公購棺木比至歲大饑遂
傾囊賑之再往始獲木焉子四人我祖其季也諱祖契庠生慷
慨明達凡大義所關介然不撓鄉黨閒每有所疑或地方大事
就正者輒片言立決府君旣貴惟諄諄以忠孝相勉勵誥封中
憲大夫陝西按察司副使凡三爲鄉飲正賓崇祀鄉賢子二長
卽先府君府君自幼不好嬉戲八九歲時耆儒王先生慕祥開
塾講小學人皆憚其嚴正府君獨侍坐終日無倦容歸卽見諸
行事遇貴胄與馬赫奕者泊然不以動念王先生嘗謂先大父
曰令子真大器也爲制舉義嘗不起草宿儒多遜不能及平日
讀書外無他嗜家貧常借人書篝火讀達旦率以爲常年十六

就傅北郭外李自成寇睢城府君聞變奔還城已閉乃繞濠痛哭先大父及先大母趙恭人遣人從城上語使去府君不忍違伏近郭外斷蓬坑中時州守遁民開門納賊先大父負曾祖母而逃府君聞賊入城冒難奔赴至則先大母已罵賊磨刃殛矣府君號泣不欲生絕食者六日先大父強之乃食既殯隨大父避難河北舌耕以養既而伯祖賁皇公卒衢州有弱息留衛大父率府君往欲攜之歸而李自成破北京乃寓衛讀書山中每念先大母苦節恐不聞於世益自刻苦嘗中夜大哭哭已復讀夜深虎羣嘯林外與書聲相聞久之山中民皆感動時時來餽燈油米食府君御不受日晡散葉鑿石飲泉水則續晝而已

等聖廟東以流寓應試七試皆冠軍已而有令納軍需數兩方
許入庫建業去乙酉

王師定中原乃由江西汎鄱陽歸丙戌補弟子員戊子舉於鄉
己丑會試中式壬辰成進士

世祖章皇帝親試擬

御製大清會典序及送敬謹親王南征詩改宏文院庶吉士邸
舍不蔽風雨閉門讀書不安交遊甲午授國史院檢討學士山
陰胡公兆龍欲屈致一見終不肯往乙未

詔選翰林科道出任監司府君名在選中有品行清端才猷贍
裕之

諭以應得職銜加一級用明年補潼關道副使潼關自明季亂後民多逃竄城中不滿三百家是時天兵下黔者屯成都漢中而經略洪公屯湖南征調轉輸之衆必經其地官吏科斂以辦軍需驛遞重困府君戒屬吏曰毋科取民財毋妄用驛夫兵來吾自應之自是大兵將至府君使人迓之境外與申約束曰部文所需有不給者公請劾我若於額外動民閒一草我亦當論公是後兵至肅然無敢犯者屬吏皆兢兢奉法撫勞備至再閱歲關城中流民歸者數千戶府君見鄉大夫惟問民疾苦及興革事宜有某公比日三謁無所言府君甚異之後聞其甥與人爭產欲爲私請既見終不敢出口也行保甲有盜卽獲自是四